

Профсоюзин конференцяс

Шидрхи Прикаспийск загъсна комбинатин профсоюзин конференц болв. Конференц деер профсоюзин болн теруна шууврин комиссин 1957 джилә кӧдлмшин тускар доклад сонъсгдв. Консерв гаргългъна, загъс давслагъна, утлгъна зурас давулдж кӱцагддж. Комбинатин бӱрси диилврмудт, тӱрси газрун нуудж ирцхӱсн, ода комбинатд кӧдлджӱцхӱх, хальмгуд сӱн дӱнъ болцхав гидж темдгдв. 1957 джил 172 профсоюзин член немгддж. Профсоюзин 282 член Кундллагъна грамотар ачлгдцхадж, 49 член Кундллагъна доскд, 28 член Кундллагъна дектрт орулгдцхадж. Профсоюзин члед, кӧдлмшчир Турлиев, Тихонов Лидж, Горяев В. болн нань чигн нуурт йовх улс темдгдцхӱв.

Профсоюзин кӧдлмшт бӱӱх дуту-дундс гӱн кевӱр цӱӱлгъгддж, шалгъгддж келгдв. Нег улу спортин болн физкультурин кӧдлмш, кӧдлмшчириг кӧдлмшт умсдг шишлнь хувцар тетклгън, клубин кӧдлмш, нӱр-наад гаргъдг багъчудиг тер туск хувцарнь тетклгън, кӱч-кӧлс харлгъна болн ӱӱмшгӱс гетллагъна кӧдлмш—ӱн тоотин халхар кӧдлмштатугъар кегдсиг конференц темдгв.

ӱнъгрси джил комбинатин кӧдлмшчирӱс болн церглачнрӱс профсоюзин халхар 140 некврин ӱрлгъс ордж ирдж хӱлӱгддж.

Шин сунъгъдси завком Паршинд, профсоюзин кӧдлмшиг ясрулхин туск даалгъвр ӱгдв.

С-Г. ГОШЕНДАНОВ.